

enim corpus Domini intravit ad Discipulos januis clausis, quod videlicet ad humanos oculos per nativitatem suam clauso exitu utero Virginis. Quid ergo mirum, si januis clausis post resurrectionem suam in aeternum jam victurus intravit, qui moriturus veniens, non aperto utero Virginis exivit?

III. Probatur ex Conciliis. In Concilio Ephesino adducitur, & recipitur epistola Cyrilli ad Nestorium, quæ est I. & in ea sic legitur: *Verbum Dei sustinuisse generationem carnalem, carnis sue nativitatem suam faciens, & ideo vere prodiisse ex Virgine, & natum esse carnaliter.* In eodem Concilio Ephesino legitur homil. de Christi nativitate, quæ est Procli, Episcopi Cizeceni: *Quod si ea, quæ genuit, Virgo non permansit, neque is, qui natus est, aliud quam purus homo extitit, atque ita partus ille nihil admiratione dignum habebit. Quod si illa vero in partu, & post partum, Virginitatem illam retinuit, is citra omnem controversiam arcano modo ex ea ortus est, quem cum per clausas januas ingressus esset, Apostolus Thomas in gemina natura subsistentem agnovit. Et in fine expressit: Natura portas referavit Emanuel, ut homo; sed virginitatis clausura non violavit, neque prærupti ut Deus: ita enim ex utero est egressus, sicut per aurem ingressus, ita natus, sicut conceptus, qui impatiibiliter fuerat il-lapsus, ineffabiliter est elapsus. Catechismus Concilii Tridentini: *Nascitur Christus ex Matre sine ulla materna Virginitatis diminutione, & quomodo postea ex sepulchro clauso, & obsequio egressus est, atque ad Discipulos januis clausis introivit &c.**

IV. Probatur ex Patribus Græcis. Epiphanius, vel quisquis alius sit author orationis de Christi Salvatoris sepultura: *Quemadmodum Christus Jesus naturalibus virgineæ natura clausis omnino integris, uteroque materno undequaque clauso, ex Virgine in lucem prodit: ita idem ille, sepulchri signaculis nequaquam resecatis, ex mortuis resurrexit.* Chrysostomus homil. de Joanne Baptista: *Sancta Maria, B. Maria, mater, & virgo, virgo fuit ante partum, virgo post partum. Ego hoc miror, quomodo de Virgine virgo natus sit, & post nativitatem Virginis mater virgo sit. Vultis scire, quomodo de Virgine natus sit, & post nativitatem mater ipsa sit virgo? Clausa erant ostia, & ingressus est Jesus. Nulli dubium quin clausa sint ostia. Qui intravit per ostia clausa, non erat phantasma, non erat spiritus, vere corpus erat. Quid enim dicit: Respicite, & videte, quia spiritus carnem, & ossa non habet, quæ*

PAB. IV.

me habere videtis? Habebat carnes, habebat ossa, & clausa erant ostia. Quomodo clausis ostiis intraverunt ossa, & caro? Clausa sunt ostia, & intrat quem intrantem non vidimus. Unde intravit, omnia clausa sunt: locus non est, per quem intret, & tamen intus est, qui intravit, & non apparet quomodo intravit. Nescis quomodo factum sit, & das hoc potentia Dei. Da potentia Dei, quia de Virgine natus sit, & tamen ipsa virgo fuerit virgo post partum. Cyrillus Alexandrinus lib. 8. contra Julianum: *Oportuisse talem fieri Christi partum secundum carnem, ut haberet quid divinum ingressus ejus in mundum, & ostensio.* Ad quæ verba subdit Vasquez 3. par. qu. 28. are. 3. disp. 121. cap. 4. *Cum igitur Cyrillus dicat, ingressum Christi in mundum mirabilem fuisse, & quid divinum habuisse, recte sequitur, B. Virginitatem ex ejus sententia laxato utero, aut rupto, non peperisse, nec more aliarum mulierum profluvium sanguinis, & alia hujusmodi passam fuisse: alioquin partus Christi, & ingressus ejus in mundum, nec fuisset mirabilis, nec divinum quid habuisset.* Damascenus lib. 4. de fide orthodoxa cap. 14. *Conceptio quidem per auditum facta est, ortus vero per eam partem, per quam exire fetus consuevit; quamlibet aliqui fabulentur, illum, seu Christum, per Genitricis Dei latus editum esse. Neque enim hoc impossibile erat, ut per portam transiret, sigillis ejus nulla parte labefactis.*

V. Probatur ex Patribus Latinis. Hieronymus in Apologia pro libris adversus Jovinianum ad Pammachium (quæ est epist. 50.) cap. 8. *Christus virgo, mater virginis nostri virgo perpetua, mater, & virgo. Jesus enim clausis ingressus est ostiis, & in Sepulchro ejus, quod novum, & in petra durissima fuerat excisum, nec antea quis, nec postea, positus est, &c. Respondeant mihi, quomodo Jesus ingressus est clausis ostiis, cum palpandas manus, & latus considerandum, & ossa, carnemque, monstraverit, ne veritas corporis phantasma putaretur: & ego respondebo, quo modo Sancta Maria sit & mater, & virgo, virgo post partum, mater antequam nupta. Augustinus, vel quisquis alius est author, Serm. 10. de tempore: *Audiat omnis ætas, quod nunquam audivit: Virgo partui suo nupsit, virginitatem dum pareret duplicavit. Fulgentius orat. de laudibus B. Virginis: *Crevit in ejus partu integritas corporis, potius, quam decrevit; & virginitas ampliata est potius, quam sub-***

T 2

gata.